

Համարը N 170-Ն  
Տիպը Հրաման  
Սկզբնաղբյուրը ՀՀԳՏ 2013.04.15/12(456)  
Հոդ.111

Ընդունող մարմինը Էկոնոմիկայի նախարար  
Ստորագրող մարմինը Էկոնոմիկայի նախարար  
Վավերացնող մարմինը  
Ուժի մեջ մտնելու ամսաթիվը 25.04.2013

Տեսակը Ինկորպորացիա  
Կարգավիճակը Գործում է  
Ընդունման վայրը Երևան

Ընդունման ամսաթիվը 19.03.2013  
Ստորագրման ամսաթիվը 19.03.2013  
Վավերացման ամսաթիվը  
Ուժը կորցնելու ամսաթիվը

ՀՀ ԷԿՈՆՈՄԻԿԱՅԻ ՆԱԽԱՐԱՐԻ ՀՐԱՄԱՆԸ ՍՈՑԻԱԼԱԿԱՆ ՓԱԹԵԹԻ ՀԱՆԳՍՏԻ ԱՊԱՀՈՎՄԱՆ ԾԱՌԱՅՈՒԹՅԱՆ ՄԵՋ ԸՆԴԳՐԿՎՈՂ ՁԲՈՍԱՇՐՋԱՅԻՆ ՕՊԵՐԱՏՈՐՆԵՐԻ ՀԱՇՎԱՌՄԱՆ ԿԱՐԳԸ ՀԱՍՏԱՏԵԼՈՒ ԵՎ ՀՀ ԷԿՈՆՈՄԻԿԱՅԻ ՆԱԽԱՐԱՐԻ 2012 ԹՎԱԿԱՆԻ ՀՈՒՆՎԱՐԻ 26-Ի N 67-Ն ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

«Գրանցված է»  
ՀՀ արդարադատության  
նախարարության կողմից  
9 ապրիլի 2013 թ.  
Պետական գրանցման թիվ 10313126

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐ

19 մարտի 2013 թ.  
ք. Երևան

N 170-Ն

## Հ Ր Ա Մ Ա Ն

ՍՈՑԻԱԼԱԿԱՆ ՓԱԹԵԹԻ ՀԱՆԳՍՏԻ ԱՊԱՀՈՎՄԱՆ ԾԱՌԱՅՈՒԹՅԱՆ ՄԵՋ ԸՆԴԳՐԿՎՈՂ ՁԲՈՍԱՇՐՋԱՅԻՆ ՕՊԵՐԱՏՈՐՆԵՐԻ ՀԱՇՎԱՌՄԱՆ ԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷԿՈՆՈՄԻԿԱՅԻ ՆԱԽԱՐԱՐԻ 2012 ԹՎԱԿԱՆԻ ՀՈՒՆՎԱՐԻ 26-Ի N 67-Ն ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Համաձայն «Իրավական ակտերի մասին» Հայաստանի Հանրապետության օրենքի 71-րդ հոդվածի 3-րդ մասի, 72-րդ հոդվածի 1-ին մասի 1-ին կետի բ) ենթակետի, Հայաստանի Հանրապետության կառավարության 2012 թվականի դեկտեմբերի 27-ի N 1691-Ն որոշման 8-րդ կետի 1-ին ենթակետի, 2-րդ հավելվածի 1-ին կետի 4-րդ ենթակետի, 4-րդ կետի 4-րդ ենթակետի և ձև N 4-ի, սոցիալական փաթեթի շրջանակներում Հայաստանի Հանրապետությունում և Լեռնային Ղարաբաղի Հանրապետությունում հանգստի ապահովման հետ կապված զբոսաշրջային փաթեթների ձևավորման և իրացման գործընթացի արդյունավետ կազմակերպումն ապահովելու նպատակով

### Հրամայում եմ.

1. Հաստատել սոցիալական փաթեթի հանգստի ապահովման ծառայության մեջ ընդգրկվող զբոսաշրջային օպերատորների հաշվառման (այսուհետ՝ հաշվառում) կարգը՝ համաձայն հավելվածի:

2. Ուժը կորցրած ճանաչել Հայաստանի Հանրապետության Էկոնոմիկայի նախարարի 2012 թվականի հունվարի 26-ի «Սոցիալական փաթեթի հանգստի ապահովման ծառայության մեջ ընդգրկվող զբոսաշրջային օպերատորների հաշվառման կարգը հաստատելու մասին» N 67-Ն հրամանը:

3. Սույն հրամանն ուժի մեջ է մտնում պաշտոնական հրապարակմանը հաջորդող տասներորդ օրը:

**Տ. Դավթյան**

Հավելված  
ՀՀ Էկոնոմիկայի նախարարի  
2013 թվականի մարտի 19-ի  
N 170-Ն հրամանի

## Կ Ա Ր Գ

### **ՍՈՑԻԱԼԱԿԱՆ ՓԱԹԵԹԻ ՀԱՆԳՍՏԻ ԱՊԱՀՈՎՄԱՆ ԾԱՌԱՅՈՒԹՅԱՆ ՄԵՋ ԸՆԴԳՐԿՎՈՂ ԶԲՈՍԱՇՐՋԱՅԻՆ ՕՊԵՐԱՏՈՐՆԵՐԻ ՀԱՇՎԱՌՄԱՆ**

#### **I. ԸՆԴՀԱՆՈՒՐ ԴՐՈՒՅԹՆԵՐ**

1. Հայաստանի Հանրապետության կառավարության 2012 թվականի դեկտեմբերի 27-ի «Սոցիալական փաթեթի հատկացման կարգը և փաթեթի մեջ մտնող ծառայությունների բովանդակությունը հաստատելու, Հայաստանի Հանրապետության կառավարության 2011 թվականի դեկտեմբերի 29-ի N 1917-Ն և N 1923-Ն, ինչպես նաև 2012 թվականի ապրիլի 19-ի N 594-Ն որոշումներն ուժը կորցրած ճանաչելու մասին» N 1691-Ն որոշմամբ նախատեսված սոցիալական փաթեթի (այսուհետ՝ սոցիալական փաթեթ) հանգստի ապահովման ծառայության մեջ ընդգրկվող զբոսաշրջային օպերատորների հաշվառման, Հայաստանի Հանրապետության Էկոնոմիկայի նախարարության պաշտոնական ինտերնետային կայքում հաշվառված զբոսաշրջային օպերատորների ցանկի (այսուհետ՝ ցանկ) հրապարակման գործառույթներն իրականացնում է Հայաստանի Հանրապետության Էկոնոմիկայի նախարարությունը (այսուհետ՝ լիազոր մարմին)՝ սույն կարգին համապատասխան:

2. Սոցիալական փաթեթի հանգստի ապահովման ծառայությունները մատուցվում են Հայաստանի Հանրապետությունում և Լեռնային Ղարաբաղի Հանրապետությունում՝ սույն կարգով հաշվառված և ցանկում ներառված զբոսաշրջային օպերատորների կողմից, համապատասխան զբոսաշրջային փաթեթներ (այսուհետ՝ զբոսաշրջային փաթեթ) ձևավորելու կամ, հանդես գալով հյուրանոցային տնտեսության օբյեկտ շահագործող անձանց անունից, առանձին հյուրանոցային ծառայություններ իրացնելու միջոցով:

#### **II. ԶԲՈՍԱՇՐՋԱՅԻՆ ՕՊԵՐԱՏՈՐՆԵՐԻ ՆԿԱՏՄԱՍԲ ՊԱՀԱՆՁՆԵՐԸ**

3. Հաշվառվել և սոցիալական փաթեթի հանգստի ապահովման ծառայություններ մատուցել կարող են՝

1) Հայաստանի Հանրապետությունում գրանցված զբոսաշրջային օպերատորները, որոնք

ա. պետական գրանցում են ստացել հայտը ներկայացնելու պահից ոչ ուշ, քան երեք տարի առաջ,

բ. համապատասխանում են «Զբոսաշրջության և զբոսաշրջային գործունեության մասին» Հայաստանի Հանրապետության օրենքով զբոսաշրջային օպերատորների նկատմամբ սահմանված պահանջներին,

գ. սույն կարգի 12-րդ կետով նախատեսված հայտը ներկայացնելու օրվան նախորդող 3 տարվա ընթացքում մասնակցել են առնվազն միջազգային 2 կամ տեղական և միջազգային մեկական զբոսաշրջային ցուցահանդեսի:

դ. **(պարբերությունն ուժը կորցրել է 12.07.21 N 436-Ն)**

2) Լեռնային Ղարաբաղի Հանրապետությունում գրանցված զբոսաշրջային օպերատորները, որոնք

ա. պետական գրանցում են ստացել հայտը ներկայացնելու պահից ոչ ուշ, քան մեկ տարի առաջ,

բ. համապատասխանում են «Չբուսաշրջության և զբոսաշրջային գործունեության մասին» Լեռնային Ղարաբաղի Հանրապետության օրենքով զբոսաշրջային օպերատորների նկատմամբ սահմանված պահանջներին:

**(3-րդ կետը լրաց. 21.10.13 N 1025-Ն, խմբ. 21.08.15 N 1173-Ն, փոփ. 12.07.21 N 436-Ն)**

4. Չբուսաշրջային օպերատորները հաշվառվելուց և ցանկում հրապարակվելուց հետո հինգ աշխատանքային օրվա ընթացքում հաշվառված լինելու ողջ ժամանակահատվածի համար իրենց ինտերնետային կայքում ապահովում են հատուկ «Սոցիալական փաթեթ» էջի գործողություն, որտեղ տեղադրում են՝

1) իրենց կողմից առաջարկվող, սույն կարգով սահմանված պահանջներին համապատասխանող առնվազն 30 զբոսաշրջային փաթեթներ, որոնցից առնվազն երկուականը պետք է ներառեն զբոսաշրջային ծառայություններ կամ օբյեկտներ Հայաստանի Հանրապետության օրենսդրությամբ սահմանված կարգով Հայաստանի Հանրապետության կառավարության հայտարարած յուրաքանչյուր զբոսաշրջային կենտրոնում, 5-ը՝ Լեռնային Ղարաբաղի Հանրապետությունում, ինչպես նաև իրենց հայեցողությամբ առանձին հյուրանոցային ծառայություններ Հայաստանի Հանրապետությունում և Լեռնային Ղարաբաղի Հանրապետությունում: Ընդ որում՝ սույն ենթակետով նախատեսված փաթեթները կարող են պարբերաբար թարմացվել և դրանցում սպառողի հետ համաձայնությամբ կարող են կատարվել փոփոխություններ՝ պահպանելով սույն կարգի պահանջները,

2) սպառողի հետ կնքվող օրինակելի պայմանագիրը, որը պետք է համապատասխանի Հայաստանի Հանրապետությունում գրանցված զբոսաշրջային օպերատորների դեպքում Հայաստանի Հանրապետության օրենսդրությանը, իսկ Լեռնային Ղարաբաղի Հանրապետությունում գրանցված զբոսաշրջային օպերատորների դեպքում՝ Լեռնային Ղարաբաղի Հանրապետության օրենսդրությանը,

3) բանկային վավերապայմանները,

4) մասնաճյուղեր կամ գործակալներ ունենալու դեպքում, իրենց մասնաճյուղերի կամ գործակալների վերաբերյալ առնվազն հետևյալ տեղեկատվությունը՝ մասնաճյուղի կամ գործակալի անվանումը, գտնվելու վայրը, հեռախոսահամար, Էլեկտրոնային փոստի հասցե:

**(4-րդ կետը լրաց. 21.10.13 N 1025-Ն, փոփ. 21.08.15 N 1173-Ն, 31.10.16 N 1158-Ն, լրաց. 12.07.21 N 436-Ն)**

5. Սույն կարգի 4-րդ կետին համապատասխան «Սոցիալական փաթեթ» էջերում զբոսաշրջային փաթեթները (այդ թվում նաև՝ լիազոր մարմինն հաշվառման նպատակով ներկայացված) ներկայացվում են գևանշմամբ՝ առանձին նշելով փաթեթում ներառված հյուրանոցային ծառայությունների գները: Ընդ որում՝ զբոսաշրջային փաթեթում նշված հյուրանոցային ծառայության գինը չպետք է գերազանցի տվյալ հյուրանոցային տնտեսության օբյեկտների կողմից հայտարարված հյուրանոցային ծառայության գործող մանրածախ գինը (ավելացված արժեքի հարկ վճարող հյուրանոցային տնտեսության օբյեկտների դեպքում գները հաշվի են առնվում ներառյալ ավելացված արժեքի հարկը, իսկ ավելացված արժեքի հարկ չվճարող հյուրանոցային տնտեսության օբյեկտների դեպքում՝ առանց ավելացված արժեքի հարկի):

6. Սույն կարգի 4-րդ կետին համապատասխան «Սոցիալական փաթեթ» էջում առանձին հյուրանոցային ծառայությունը ներկայացվում է գևանշմամբ, որը չպետք է գերազանցի տվյալ հյուրանոցային տնտեսության օբյեկտի կողմից հայտարարված հյուրանոցային ծառայության գործող մանրածախ գինը:

7. Հաշվառված զբոսաշրջային օպերատորները զբոսաշրջային փաթեթները և առանձին հյուրանոցային ծառայությունները իրացնում են՝

1) սպառողի հետ կնքելով համապատասխանաբար Հայաստանի Հանրապետության և Լեռնային Ղարաբաղի Հանրապետության օրենսդրությանը և սույն կարգի 4-րդ կետի 2-րդ ենթակետով նախատեսված օրինակելի պայմանագրին համապատասխանող պայմանագիր,

2) ապահովելով սպառողի հետ կնքված պայմանագրի պատշաճ կատարումը՝ Հայաստանի Հանրապետության և Լեռնային Ղարաբաղի Հանրապետության օրենսդրության պահանջներին համապատասխան:

**(7-րդ կետը խմբ. 21.10.13 N 1025-Ն)**

7.1. Հաշվառված զբոսաշրջային օպերատորը սոցիալական փաթեթի շրջանակներում հյուրանոցային ծառայություններ մատուցող անձանց հետ կնքվող պայմանագրերում ներառում է հետևյալ դրույթները՝

1) սույն հավելվածի 8-րդ կետի 4-րդ ենթակետի կատարումն ապահովող դրույթներ,

2) հյուրանոցային ծառայություն մատուցող անձը զբոսաշրջային օպերատորին տեղեկացնում է հյուրանոցային տնտեսության օբյեկտում սոցիալական փաթեթի շրջանակներում ամրագրված յուրաքանչյուր սպառողի՝ հյուրանոցային ծառայություններից օգտվելու մասին՝ ոչ ուշ, քան ամրագրման ժամկետի ավարտին հաջորդող աշխատանքային օրը,

3) հյուրանոցային ծառայություն մատուցող անձը զբոսաշրջային օպերատորին հատուցում է սույն կետի 2-րդ ենթակետով ներկայացված տեղեկատվությունը չներկայացնելու կամ ոչ հավաստի տեղեկատվություն ներկայացնելու հետևանքով զբոսաշրջային օպերատորի կրած վնասները:

**(7.1-ին կետը լրաց. 21.08.15 N 1173-Ն)**

8. Սույն կարգի 7-րդ կետով նախատեսված պայմանագիրը (կանխավճարի պայմանագիր կնքելու դեպքում՝ նաև կանխավճարի պայմանագիրը), ի թիվս օրենքով նախատեսված պարտադիր այլ դրույթների, ներառում է նաև՝

1) զբոսաշրջային փաթեթ իրացնելու դեպքում՝ իրացվող զբոսաշրջային փաթեթի սկզբի և ավարտի ժամկետները (տարի, ամիս, օր), զբոսաշրջային փաթեթում ներառված հյուրանոցային տնտեսության օբյեկտ սպառողի մուտքագրման և ելքագրման ժամկետները (տարի, ամիս, օր, ժամ), զբոսաշրջային փաթեթի գինը՝ առանձին կետերով փաթեթում ընդգրկվող հյուրանոցային ծառայության գինը, որը պետք է համապատասխանի սույն կարգի 5-րդ կետով նախատեսված պայմաններին,

2) առանձին հյուրանոցային ծառայություն իրացնելու դեպքում՝ հյուրանոցային տնտեսության օբյեկտ սպառողի մուտքագրման և ելքագրման ժամկետները (տարի, ամիս, օր, ժամ), հյուրանոցային ծառայության գինը, որը պետք է համապատասխանի սույն կարգի 6-րդ կետով նախատեսված պայմաններին,

3) սպառողի անունը, ազգանունը, բնակության հասցեն, աշխատանքի վայրը և հասցեն,

4) պայմանագիրը վաղաժամկետ դադարելու կամ սպառողի կողմից պայմանագրով նախատեսված ծառայություններից չօգտվելու դեպքում՝ սպառողի իրավունքներն ապահովող նվազագույն պայմաններ, համաձայն որոնց, սպառողի նկատմամբ կիրառվող տուգանքի չափ է սահմանվում՝

ա. պայմանագրի գնի մինչև քսանհինգ տոկոսի չափով, եթե սպառողը պայմանագրից հրաժարվել է ոչ ուշ, քան պայմանագրով նախատեսված ծառայությունների մատուցման սկզբի ժամկետից երկու աշխատանքային օր առաջ.

բ. պայմանագրի գնի մինչև հիսուն տոկոսի չափով, եթե սպառողը պայմանագրից հրաժարվել է սույն ենթակետի «ա» պարբերությամբ նախատեսված ժամկետի խախտմամբ, կամ ընդհանրապես չի օգտվել պայմանագրով նախատեսված ծառայություններից և առկա է հյուրանոցային ծառայություն մատուցող անձի գրավոր ծանուցումը զբոսաշրջային օպերատորին սպառողի կողմից հյուրանոցային ծառայությունից չօգտվելու մասին:

**(8-րդ կետը խմբ. 21.08.15 N 1173-Ն)**

9. Պայմանագրի վաղաժամկետ դադարման, չկատարման կամ մասնակի կատարման դեպքերում սպառողին վերադարձման ենթակա գումարը, որը փոխանցվել է զբոսաշրջային օպերատորին պետական բյուջեից տրամադրված միջոցներից, զբոսաշրջային օպերատորը վերադարձնում է բացառապես սպառողի սոցիալական փաթեթի հաշվին:

**(9-րդ կետը խմբ. 21.08.15 N 1173-Ն, լրաց. 31.10.16 N 1158-Ն)**

10. Հաշվառված զբոսաշրջային օպերատորները լիազոր մարմին ներկայացնում են՝

1) եռամսյակային տեղեկատվություն սոցիալական փաթեթի շրջանակներում իրենց կողմից կնքված, իրացված, վաղաժամկետ դադարած պայմանագրերի և սպառողների կողմից պայմանագրով նախատեսված ծառայություններից չօգտվելու դեպքերի վերաբերյալ յուրաքանչյուր եռամսյակը հաջորդող ամսվա տասն աշխատանքային օրերի ընթացքում՝ համաձայն ձև 1-ի և ձև 2-ի, էլեկտրոնային եղանակով՝ [secretariat@mineconomy.am](mailto:secretariat@mineconomy.am) էլեկտրոնային հասցեով, Էմ Էս Էքսել (MS Excel) ֆորմատի ֆայլի տեսքով, որն ուղղեցվում է էլեկտրոնային ստորագրությամբ կամ տեսաներածված պաշտոնական գրությամբ,

2) սպառողի հետ կնքված պայմանագրերի պատճեններ և սոցիալական փաթեթի շրջանակներում իրենց գործունեության հետ կապված այլ տեղեկատվություն՝ լիազոր մարմնի պահանջով, պահանջը ստանալուց հետո երեք աշխատանքային օրվա ընթացքում,

3) սույն կետի 2-րդ ենթակետով նախատեսված տեղեկատվությունը կարող է ներկայացվել նաև էլեկտրոնային եղանակով՝ [secretariat@mineconomy.am](mailto:secretariat@mineconomy.am) էլեկտրոնային հասցեով՝ էլեկտրոնային ստորագրությամբ կամ տեսաներածված պաշտոնական ուղեկցող գրությամբ:

**(10-րդ կետը լրաց. 21.10.13 N 1025-Ն, խմբ. 21.08.15 N 1173-Ն, խմբ., լրաց. 31.10.16 N 1158-Ն)**

10.1. Լիազոր մարմնի կողմից գրությունները զբոսաշրջային օպերատորներին կարող են ուղարկվել նաև էլեկտրոնային եղանակով՝ [secretariat@mineconomy.am](mailto:secretariat@mineconomy.am) կամ [stc@mineconomy.am](mailto:stc@mineconomy.am) էլեկտրոնային հասցեներից զբոսաշրջային օպերատորների կողմից լիազոր մարմնին ներկայացված իրենց էլեկտրոնային փոստի հասցեներին, որոնք համարվում են զբոսաշրջային օպերատորների պաշտոնական էլեկտրոնային փոստի հասցեները:

**(10.1-ին կետը լրաց. 31.10.16 N 1158-Ն, փոփ. 12.07.21 N 436-Ն)**

10.2. Չբոսաշրջային օպերատորները պարտավոր են ապահովել իրենց պաշտոնական էլեկտրոնային փոստի հասցեի անխափան գործողությունը հաշվառված և Ցանկում հրապարակված լինելու ողջ ժամանակահատվածում:

**(10.2-րդ կետը լրաց. 31.10.16 N 1158-Ն)**

10.3. Պաշտոնական էլեկտրոնային փոստի հասցեի փոփոխության կամ գործողության դադարման դեպքում զբոսաշրջային օպերատորները պարտավոր են այդ մասին փոփոխության կամ դադարման օրվանից երեք աշխատանքային օրվա ընթացքում ծանուցել լիազոր մարմնին:

**(10.3-րդ կետը լրաց. 31.10.16 N 1158-Ն)**

10.4. Հավելվածի 10-րդ և 10.1-րդ կետերին համապատասխան էլեկտրոնային եղանակով ուղարկված փաստաթղթերը համարվում են ստացված, և համապատասխանաբար լիազոր մարմնին ու զբոսաշրջային օպերատորներն այդ մասին համարվում են ծանուցված, եթե առկա է էլեկտրոնային եղանակով ուղարկված փաստաթղթերը ստանալու մասին էլեկտրոնային հավաստում:

**(10.4-րդ կետը լրաց. 31.10.16 N 1158-Ն)**

### III. ԶԲՈՍԱՇՐՋԱՅԻՆ ՕՊԵՐԱՏՈՐՆԵՐԻ ՀԱՇՎԱՌՈՒՄԸ

11. Հաշվառումն իրականացվում է կամավոր սկզբունքով՝ զբոսաշրջային օպերատորների հայտի հիման վրա:

12. Հաշվառվելու նպատակով զբոսաշրջային օպերատորը լիազոր մարմնին է ներկայացնում՝

1) հայտ՝ Հայաստանի Հանրապետությունում գրանցված զբոսաշրջային օպերատորների դեպքում՝ համաձայն ձև 3-ի, իսկ Լեռնային Ղարաբաղի Հանրապետությունում գրանցված զբոսաշրջային օպերատորների դեպքում՝ համաձայն ձև 4-ի,

2) գրասենյակների նկատմամբ սեփականության կամ օգտագործման իրավունքը հավաստող փաստաթղթերի պատճենները, բացառությամբ Լեռնային Ղարաբաղի Հանրապետությունում գրանցված զբոսաշրջային օպերատորների, որոնք ներկայացնում են զբոսաշրջության բնագավառում Լեռնային Ղարաբաղի Հանրապետության կառավարության կողմից լիազորված պետական կառավարման մարմնի տրամադրած հաշվառման վկայականի պատճենը,

3) սույն կարգով սահմանված պահանջներին համապատասխանող առնվազն 15 զբոսաշրջային փաթեթներ, որոնցից առնվազն մեկականը պետք է ներառեն զբոսաշրջային ծառայություններ կամ օբյեկտներ Հայաստանի Հանրապետության օրենսդրությամբ սահմանված կարգով Հայաստանի Հանրապետության կառավարության հայտարարած յուրաքանչյուր զբոսաշրջային կենտրոնում, 2-ը՝ Լեռնային Ղարաբաղի Հանրապետությունում՝ առանձին նշելով նաև փաթեթում ներառված հյուրանոցային ծառայության գինը, որը պետք է համապատասխանի սույն կարգի 5-րդ կետով նախատեսված պայմաններին,

4) զբոսաշրջային փաթեթներում ընդգրկված առնվազն հյուրանոցային և տրանսպորտային ծառայություններ մատուցող անձանց հետ գործող պայմանագրերի պատճենները,

5) սպառողի հետ կնքվող պայմանագրի օրինակելի ձևը՝ հաստատված զբոսաշրջային օպերատորի իրավասու մարմնի կողմից, որը պետք է համապատասխանի Հայաստանի Հանրապետությունում գրանցված զբոսաշրջային օպերատորների դեպքում՝ Հայաստանի Հանրապետության օրենսդրությանը, իսկ Լեռնային Ղարաբաղի Հանրապետությունում գրանցված զբոսաշրջային օպերատորների դեպքում՝ Լեռնային Ղարաբաղի Հանրապետության օրենսդրությանը,

6) զբոսաշրջային ցուցահանդեսներին մասնակցությունը հավաստող կյուրթեր կամ փաստաթղթերի պատճեններ, բացառությամբ Լեռնային Ղարաբաղի Հանրապետությունում գրանցված զբոսաշրջային օպերատորների,

7) Լեռնային Ղարաբաղի Հանրապետությունում գրանցված զբոսաշրջային օպերատորների դեպքում՝ նաև զբոսաշրջության բնագավառում Լեռնային Ղարաբաղի Հանրապետության կառավարության կողմից լիազորված պետական մարմնի տրամադրած հաշվառման վկայականի պատճենը:

8) մասնաճյուղեր ունենալու դեպքում՝ մասնաճյուղերի կանոնադրությունների պատճենները, գործակալներ ունենալու դեպքում՝ գործակալների հետ կնքված գործակալության պայմանագրերի պատճենները:

**(12-րդ կետը խմբ., լրաց. 21.10.13 N 1025-Ն, լրաց., փոփ. 21.08.15 N 1173-Ն, փոփ. 31.10.16 N 1158-Ն, 12.07.21 N 436-Ն)**

13. Հայտում կամ ներկայացված փաստաթղթերում ոչ Էական թերությունների (վրիպակներ, ոչ իրավաբանական անճշտություններ և այլ նման բացթողումներ) առկայության դեպքում լիազոր մարմինը հայտն ստանալուց հետո 3 աշխատանքային օրվա ընթացքում դրա մասին պատշաճ ձևով նախազգուշացնում է հայտատուին՝ հաջորդող 3 աշխատանքային օրվա ընթացքում թերությունները վերացնելու համար:

14. Սոցիալական փաթեթի հանգստի ապահովման ծառայության շրջանակներում առանց նախազգուշացնելու (այդ թվում նաև՝ զբոսաշրջային օպերատորի և գործակալներ կամ մասնաճյուղեր ունենալու դեպքում, նրա գործակալների ու մասնաճյուղերի գրասենյակներում), Լիազոր մարմնի ստեղծած համապատասխան միջգերատեսչական հանձնաժողովների կողմից կարող է իրականացվել սույն հրամանի պահանջներին՝ զբոսաշրջային օպերատորի և գործակալներ կամ մասնաճյուղեր ունենալու դեպքում, նրա գործակալների ու մասնաճյուղերի գործունեության համապատասխանության, ինչպես նաև պայմանագրերով նախատեսված ծառայություններից սպառողների օգտվելու փաստի գնահատում՝ չխոչընդոտելով զբոսաշրջային օպերատորի և գործակալներ կամ մասնաճյուղեր ունենալու դեպքում, նրա գործակալների ու մասնաճյուղերի բնականոն գործունեությունը:

**(14-րդ կետը խմբ. 21.08.15 N 1173-Ն, լրաց. 12.07.21 N 436-Ն)**

15. Սույն կարգի 12-րդ կետով նախատեսված փաստաթղթերն ամբողջությամբ ստանալուց հետո լիազոր մարմինը զբոսաշրջային օպերատորին 3 աշխատանքային օրվա ընթացքում առաջարկում է կնքել ձև 5-ով նախատեսված օրինակելի պայմանագրին համապատասխանող պայմանագիր և կնքված պայմանագրի հիման վրա, 3 աշխատանքային օրվա ընթացքում, համապատասխան հրամանով զբոսաշրջային օպերատորին հաշվառում է հաշվառման մատյանում և հրապարակում ցանկում:

**(15-րդ կետը փոփ. 21.08.15 N 1173-Ն)**

16. Հայտի քննության արդյունքում լիազոր մարմինը մերժում է հայտը, եթե՝

1) բացակայում է սույն կարգի 12-րդ կետով նախատեսված փաստաթղթերից առնվազն մեկը կամ 13-րդ կետով սահմանված ժամկետում չի վերացվել թերությունը.

2) ներկայացված փաստաթղթերն ակնհայտորեն խեղաթյուրված են կամ կեղծիք են պարունակում.

3) ներկայացված փաստաթղթերը չեն համապատասխանում սույն կարգով և Հայաստանի Հանրապետությունում գրանցված զբոսաշրջային օպերատորների դեպքում՝ Հայաստանի Հանրապետության օրենսդրությամբ, իսկ Լեռնային Ղարաբաղի Հանրապետությունում գրանցված զբոսաշրջային օպերատորների դեպքում՝ Լեռնային Ղարաբաղի Հանրապետության օրենսդրությամբ սահմանված պահանջներին.

4) Հայաստանի Հանրապետությունում գրանցված զբոսաշրջային օպերատորի դեպքում զբոսաշրջային օպերատորի գործունեությունը չի համապատասխանում «Զբոսաշրջության և զբոսաշրջային գործունեության մասին» Հայաստանի Հանրապետության օրենքի պահանջներին.

5) զբոսաշրջային օպերատորի ներկայացրած փաթեթն իրատեսական չէ կամ չի համապատասխանում սույն կարգի պահանջներին.

6) զբոսաշրջային օպերատորի՝ սպառողի հետ կնքվող պայմանագրի օրինակելի ձևը չի համապատասխանում Հայաստանի Հանրապետությունում գրանցված զբոսաշրջային օպերատորների դեպքում Հայաստանի Հանրապետության օրենսդրության, իսկ Լեռնային Ղարաբաղի Հանրապետությունում գրանցված զբոսաշրջային օպերատորների դեպքում Լեռնային Ղարաբաղի Հանրապետության օրենսդրության պահանջներին.

7) զբոսաշրջային օպերատորը լիազոր մարմնի առաջարկը ստանալուց հետո եռօրյա ժամկետում լիազոր մարմնի հետ չի կնքել սույն կարգի 15-րդ կետով նախատեսված պայմանագիրը:

17. Լիազոր մարմինը հայտը մերժում է գրավոր՝ նշելով մերժման հիմքերը:

17.1 Լիազոր մարմինը զբոսաշրջային օպերատորի կողմից սույն կարգի պահանջի խախտում հայտնաբերելու դեպքում այդ մասին գրավոր նախազգուշացնում է վերջինիս, բացառությամբ սույն հավելվածի 18-րդ կետի 4-րդ ենթակետով նախատեսված դեպքի:

**(17.1-ին կետը լրաց. 21.08.15 N 1173-Ն)**

18. Լիազոր մարմինը զբոսաշրջային օպերատորին հաշվառումից և ցանկից հանում է՝

1) զբոսաշրջային օպերատորի դիմումի համաձայն՝ դիմումը ներկայացվելուց հետո երեք աշխատանքային օրվա ընթացքում.

2) զբոսաշրջային օպերատորի կողմից սույն կարգի 17.1 կետով նախատեսված նախազգուշացումը ստանալուց հետո մեկ տարվա ընթացքում սույն կարգի որևէ պահանջ խախտելու դեպքում.

3) մեկ ֆինանսական տարվա ընթացքում մեկից ավելի անգամ սպառողի հետ կնքված պայմանագիր խախտելու դեպքում, եթե խախտման փաստը սահմանված կարգով ապացուցված է.

4) զբոսաշրջային օպերատորի կողմից սույն հավելվածի 8-րդ կամ 9-րդ կետերի խախտման դեպքում:

**(18-րդ կետը լրաց. 21.10.13 N 1025-Ն, խմբ. 21.08.15 N 1173-Ն)**

19. Սույն կարգի 18-րդ կետի 2-րդ, 3-րդ և 4-րդ ենթակետերով նախատեսված հիմքերով հաշվառումից և ցանկից դուրս եկած զբոսաշրջային օպերատորները չեն կարող դիմել հաշվառման համար հաշվառումից և ցանկից դուրս գալուց հետո՝ մեկ տարվա ընթացքում:

**(19-րդ կետը փոփ. 21.08.15 N 1173-Ն, խմբ. 31.10.16 N 1158-Ն, փոփ. 12.07.21 N 436-Ն)**

19.1. Լիազոր մարմնի կողմից սույն կարգի 16-րդ կետով նախատեսված հիմքերով սույն զբոսաշրջային օպերատորին մեկ տարվա ընթացքում երեք անգամ մերժելուց հետո զբոսաշրջային օպերատորը չի կարող հայտ ներկայացնել երրորդ մերժման օրվանից հետո՝ մեկ տարվա ընթացքում:

**(19.1-ին կետը լրաց. 12.07.21 N 436-Ն)**

#### **IV. ՑԱՆԿԻ ՁԵՎԱՎՈՐՈՒՄԸ ԵՎ ՀՐԱՊԱՐԱԿՈՒՄԸ**

20. Հաշվառված զբոսաշրջային օպերատորների մասին տեղեկատվությունն անմիջապես հրապարակվում է ցանկում:

21. Ցանկում հրապարակվում է նաև զբոսաշրջային օպերատորի հաշվառումից դուրս գալը, նշելով դուրս գալու հիմքը:

22. Սույն կարգով հաշվառված զբոսաշրջային օպերատորների ցանկը կազմվում է զբոսաշրջային օպերատորների հաշվառման հերթականությամբ և ներառում է հետևյալ տեղեկատվությունը՝

1) զբոսաշրջային օպերատորի անվանումը (անհատ ձեռնարկատեր հանդիսանալու դեպքում՝ անուն-ազգանունը)՝ էլեկտրոնային հղումով դեպի զբոսաշրջային օպերատորի ինտերնետային կայքի «Սոցիալական փաթեթ» բաժնին,

2) զբոսաշրջային օպերատորի գրասենյակ(ներ)ի հասցեն(երը), հեռախոսահամարները, էլեկտրոնային փոստի հասցեները և զբոսաշրջային օպերատորի տրամադրած այլ կապի միջոցները,

3) զբոսաշրջային օպերատորի ապրանքային նշանը՝ զբոսաշրջային օպերատորի կողմից ներկայացվելու դեպքում,

4) զբոսաշրջային օպերատորի բանկային վավերապայմանները:

23. Լիազոր մարմինը ցանկը հրապարակում է իր պաշտոնական կայքի «Սոցիալական փաթեթի հանգստի ապահովման ծառայություն» բաժնում:

## **V. ԱՆՑՈՒՄԱՅԻՆ ԴՐՈՒՅԹՆԵՐ**

24. Սույն հրամանն ուժի մեջ մտնելուց հետո 3 աշխատանքային օրվա ընթացքում լիազոր մարմինը մինչև սույն հրամանն ուժի մեջ մտնելը հաշվառված զբոսաշրջային օպերատորներին առաջարկում է կնքել սույն կարգի 15-րդ կետով նախատեսված պայմանագիրը:

25. Մինչև սույն հրամանն ուժի մեջ մտնելը հաշվառված զբոսաշրջային օպերատորները հանվում են հաշվառումից և ցանկից, եթե լիազոր մարմնի առաջարկը ստանալուց հետո երեք աշխատանքային օրվա ընթացքում չեն կնքում սույն կարգի 24-րդ կետով նախատեսված պայմանագիրը:

Չբուսաշրջային օպերատորի անվանումը																				
Սպառողի հետ կնքված պայմանագրի			Սպառողի կողմից պայմանագրով նախատեսված ծառայություններից չօգտվելու դեպքում պայմանագրի		Պայմանագրի մասնաճյուղերի կամ գործակալների միջոցով կնքելու դեպքում մասնաճյուղերի կամ գործակալների տվյալները		Սպառողի բնակության վայրը		Սպառողի աշխատանքի վայրը և հասցեն		Պայմանագրով Չբուսաշրջային փաթեթից կամ առանձին հյուրանոցային ծառայություններից օգտված սպառողների (ներառյալ անմիջական ընտանիքի անդամները) քանակը		Սպառողի հետ կնքված պայմանագրի առարկան		Չբուսաշրջային փաթեթում ընդգրկված կամ առանձին հյուրանոցային ծառայություններ մատուցած ՀՏՕ		Չբուսաշրջային փաթեթում ներառված կամ առանձին հյուրանոցային ծառայությունների կամ առանձին իրացման պայմանագրի կնքման նոցային ծառայությունների գինը (1 գիշերակացի հաշվարկով)		Չբուսաշրջային փաթեթի կամ առանձին հյուրանոցային ծառայության գինը (1 գիշերակացի հաշվարկով)	
համարը	ամսաթիվը	Վաղաժամկետ դադարելու դեպքում դադարման ամսաթիվը	համարը	ամսաթիվը	անհատական կամ գործակալի գործադրության տեսակը, ազգանուն	Մասնաճյուղի/գործակալի անվանումը կամ գործակալի գտնվելու վայրը	Մարզ	Համայնք	Սպառողի աշխատանքի վայրը և հասցեն	Չբուսաշրջային փաթեթ	Չբուսաշրջային փաթեթի արժեքը	Առանձին հյուրանոցային ծառայություններ	Անվանումը	Մարզ	Համայնք	Հասցե	Չբուսաշրջային փաթեթում ներառված կամ առանձին հյուրանոցային ծառայությունների գինը (1 գիշերակացի հաշվարկով)	Չբուսաշրջային փաթեթի կամ առանձին հյուրանոցային ծառայության գինը (1 գիշերակացի հաշվարկով)		

(ձևը խմբ. 21.10.13 N 1025-Ն, 21.08.15 N 1173-Ն)

Չբուսաշրջային օպերատորի անվանումը																	
h/ h	Տվյալ տեռամյակում իրացված պայմանագրի		Պայմանագրող մասնաճյուղերի կամ գործակալների միջոցով կնքելու դեպքում մասնաճյուղերի կամ գործակալների տվյալները		Սպառողի բնակության վայրը		Սպառողի աշխատանքի վայրը և հասցեն	Պայմանագրող զբոսաշրջային փաթեթից կամ առանձին հյուրանոցային ծառայություններից օգտված սպառողները (ներառյալ անմիջական ընտանիքի անդամների) քանակը	Չբուսաշրջային փաթեթի արժեքը	Առանձին հյուրանոցային ծառայություններ	Չբուսաշրջային փաթեթում ընդգրկված կամ առանձին հյուրանոցային ծառայություններ մատուցած ՀՏՕ			Պայմանագրված զբոսաշրջային փաթեթի կամ առանձին ծառայությունների տևողությունը	Չբուսաշրջային փաթեթում փաթեթի կամ առանձին հյուրանոցային ծառայությունների արժեքը	Չբուսաշրջային փաթեթի կամ առանձին հյուրանոցային ծառայությունների արժեքը (1 գիշերահաշվարկով)	
	համարը	ամսաթիվը	Մասնաճյուղի/գործակալի անվանումը	Մասնաճյուղի կամ գործակալի գտնվելու վայրը	Մարզ	Համայնք					Մնվանումը	Մարզ	Համայնք				Հասցե

(ձևը խմբ. 21.10.13 N 1025-Ն, 21.08.15 N 1173-Ն)

**Հ Ա Յ Տ**

**Սոցիալական փաթեթի հանգստի ապահովման ծառայության մեջ ընդգրկվելու նպատակով Հայաստանի Հանրապետությունում գրանցված զբոսաշրջային օպերատորի հաշվառման**

1. Հայտատուի լրիվ անվանումը (Ա/Ձ անունը, ազգանունը)

\_\_\_\_\_

2. Հայտատուի գտնվելու վայրը (բնակության վայրը), հեռ. համարը, կայքի հասցեն և Էլ. փոստը

\_\_\_\_\_

\_\_\_\_\_

\_\_\_\_\_

3. Պետական գրանցման համարը

\_\_\_\_\_

4. Ապրանքային նշանը (առկայության դեպքում)

\_\_\_\_\_

5. Կից ներկայացվում է.

1) գրասենյակների տարածքների սեփականության կամ օգտագործման իրավունքը

հավաստող փաստաթղթի պատճենը՝ \_\_\_\_\_ թերթ,

2) զբոսաշրջային փաթեթներ՝ \_\_\_\_\_ թերթ,

3) հյուրանոցային և տրանսպորտային ծառայություններ մատուցող անձանց հետ գործող պայմանագրերի պատճենները՝ \_\_\_\_\_ թերթ,

4) սպառողի հետ կնքվող պայմանագրի օրինակելի ձևը՝ \_\_\_\_\_ թերթ,

5) զբոսաշրջային ցուցահանդեսներին մասնակցությունը հավաստող

նյութերի/փաստաթղթերի պատճենները՝ \_\_\_\_\_ թերթ,

6) գործակալ ունենալու դեպքում՝ գործակալների հետ կնքված պայմանագրերի

պատճենները \_\_\_\_\_ թերթ,

7) մասնաճյուղեր ունենալու դեպքում՝ մասնաճյուղերի պետական հաշվառման համարները

\_\_\_\_\_ :

\_\_\_\_\_ (ստորագրությունը)

\_\_\_\_\_ (անունը, ազգանունը)

\_\_\_\_\_ -ի, \_\_\_\_\_ թ.

**(ձևը խմբ. 21.08.15 N 1173-Ն, խմբ., փոփ. 12.07.21 N 436-Ն)**

**Հ Ա Յ Տ**

**Սոցիալական փաթեթի հանգստի ապահովման ծառայության մեջ ընդգրկվելու նպատակով Լեռնային Ղարաբաղի Հանրապետությունում գրանցված զբոսաշրջային օպերատորի հաշվառման**

1. Հայտատուի լրիվ անվանումը (Ա/Ձ անունը, ազգանունը)

\_\_\_\_\_

2. Հայտատուի գտնվելու վայրը (բնակության վայրը), հեռ. համարը, կայքի հասցեն և Էլ. փոստը

\_\_\_\_\_

\_\_\_\_\_

\_\_\_\_\_

3. Պետական գրանցման վկայականի պատճենը \_\_\_\_\_ թերթ

4. Ապրանքային նշանը (առկայության դեպքում)

\_\_\_\_\_

5. Կից ներկայացվում է.

1) Չբոսաշրջության բնագավառում Լեռնային Ղարաբաղի

Հանրապետության կառավարության կողմից լիազորված պետական կառավարման մարմնի տրամադրած հաշվառման վկայականի պատճենը \_\_\_\_\_ թերթ,

2) զբոսաշրջային փաթեթներ` \_\_\_\_\_ թերթ,

3) հյուրանոցային և տրանսպորտային ծառայություններ մատուցող անձանց հետ գործող պայմանագրերի պատճենները` \_\_\_\_\_ թերթ,

4) սպառողի հետ կնքվող պայմանագրի օրինակելի ձևը` \_\_\_\_\_ թերթ:

\_\_\_\_\_ (ստորագրությունը)

\_\_\_\_\_ (անունը, ազգանունը)

\_\_\_\_\_ -ի, \_\_\_\_\_ թ.

**(ձևը խմբ. 21.08.15 N 1173-Ն)**

**ՊԱՅՄԱՆԱԳԻՐ**

ք. Երևան

« \_\_\_\_ » \_\_\_\_\_ թ.

Հայաստանի Հանրապետության Էկոնոմիկայի նախարարությունը (այսուհետ՝ Լիազոր մարմին), ի դեմս նախարար \_\_\_\_\_ -ի, որը գործում է իր կանոնադրության հիման վրա, մի կողմից, և \_\_\_\_\_ (այսուհետ՝ Չբոսաշրջային օպերատոր), ի դեմս տնօրեն \_\_\_\_\_ -ի, որը գործում է իր կանոնադրության հիման վրա, մյուս կողմից, համաձայն ՀՀ Էկոնոմիկայի նախարարի 2013 թվականի մարտի 19-ի N 170-Ն հրամանի (այսուհետ՝ Հրաման)՝ կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. ՊԱՅՄԱՆԱԳՐԻ ԱՈՐԿԱՆ**

Պայմանագրով Լիազոր մարմինը պարտավորվում է Հրամանով սահմանած կարգով Չբոսաշրջային օպերատորին հաշվառել և հրապարակել Հայաստանի Հանրապետության Էկոնոմիկայի նախարարության պաշտոնական ինտերնետային կայքի «Սոցիալական փաթեթի հանգստի ապահովման ծառայություն» բաժնում Հայաստանի Հանրապետության կառավարության 2012 թվականի դեկտեմբերի 27-ի N 1691-Ն որոշմամբ և Հրամանով նախատեսված սոցիալական փաթեթի (այսուհետ՝ Սոցիալական փաթեթ) հանգստի ապահովման ծառայություն (այսուհետ՝ Ծառայություն) մատուցող Չբոսաշրջային օպերատորների ցանկում (այսուհետ՝ Ցանկ), իսկ Չբոսաշրջային օպերատորը պարտավորվում է Ծառայությունն իրականացնել Հրամանի և Պայմանագրի պահանջներին համապատասխան:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ**

**2.1. Լիազոր մարմինը պարտավոր է՝**

2.1.1. Պայմանագրի կնքման պահից 3 աշխատանքային օրվա ընթացքում Հայաստանի Հանրապետության Էկոնոմիկայի նախարարի համապատասխան հրամանով Չբոսաշրջային օպերատորին հաշվառել և նրա մասին տեղեկատվությունը Հրամանով սահմանված կարգով անմիջապես հրապարակել Ցանկում,

2.1.2. ակտիվացնել Ցանկից հղումը դեպի Չբոսաշրջային օպերատորի ինտերնետային կայքի «Սոցիալական փաթեթ» Էջ՝ Չբոսաշրջային օպերատորի կողմից Հրամանին համապատասխան «Սոցիալական փաթեթ» Էջի գործողությունն ապահովելուց անմիջապես հետո,

2.1.3. Չբոսաշրջային օպերատորին հանել հաշվառումից և Ցանկից՝ դադարեցնելով Պայմանագիրը Հրամանով նախատեսված հիմքերով և կարգով,

**2.2. Չբոսաշրջային օպերատորը պարտավոր է՝**

2.2.1. հաշվառվելուց և Ցանկում հրապարակվելուց հետո հինգ աշխատանքային օրվա ընթացքում իր ինտերնետային կայքում ապահովել հատուկ «Սոցիալական փաթեթ» Էջի գործողությունը՝ Չբոսաշրջային օպերատորի հաշվառված և Ցանկում հրապարակված լինելու ողջ ժամանակահատվածի ընթացքում՝ Հրամանի դրույթներին համապատասխան,

2.2.2. Չբոսաշրջային փաթեթները և առանձին հյուրանոցային ծառայություններն իրացնել՝ Հրամանի դրույթներին համապատասխան,

2.2.3. Ծառայությունները մատուցել՝ Հրամանի և Պայմանագրի դրույթներին համապատասխան,

2.2.4. Լիազոր մարմին ներկայացնել տեղեկատվություն՝ Հրամանի հավելվածի 10-րդ կետին համապատասխան,

2.2.5. հյուրանոցային ծառայություններ մատուցող անձանց հետ կնքվող պայմանագրերում ներառել դրույթներ՝ համաձայն Հրամանի հավելվածի 7.1 կետի,

2.2.6. սպառողի հետ կնքվող պայմանագրում (կանխավճարի պայմանագիր կնքելու դեպքում՝ նաև կանխավճարի պայմանագրում) ներառել դրույթներ՝ համաձայն Հրամանի հավելվածի 8-րդ կետի,

2.2.7. սպառողի հետ կնքված պայմանագրի վաղաժամկետ դադարման, չկատարման կամ մասնակի կատարման դեպքում սպառողին վերադարձման ենթակա գումարը, որը փոխանցվել է Չբոսաշրջային օպերատորին պետական բյուջեից տրամադրված միջոցներից, վերադարձնել բացառապես սպառողի սոցիալական փաթեթի հաշվին,

2.2.8. չխոչընդոտել Լիազոր մարմնի կողմից ստեղծված միջգերատեսչական հանձնաժողովների (դրանց անդամների) կողմից Հրամանի հավելվածի 14-րդ կետով նախատեսված գնահատման աշխատանքներին,

2.2.9. ապահովել լիազոր մարմին ներկայացված պաշտոնական էլեկտրոնային փոստի հասցեի անխափան գործողությունը զբոսաշրջային օպերատորի՝ հաշվառված և Ցանկում հրապարակված լինելու ողջ ժամանակահատվածի ընթացքում,

2.2.10. էլեկտրոնային փոստի հասցեի փոփոխության կամ գործողության դադարման դեպքում այդ մասին փոփոխության կամ դադարման օրվանից երեք աշխատանքային օրվա ընթացքում ծանուցել լիազոր մարմին:

### **2.3. Լիազոր մարմինն իրավունք ունի՝**

2.3.1. պահանջել Չբոսաշրջային օպերատորից պատշաճ ձևով կատարել Հրամանի և Պայմանագրի դրույթները,

2.3.2. Չբոսաշրջային օպերատորին հաշվառումից և Ցանկից հանել՝ միակողմանի դադարեցնելով Պայմանագիրը Հրամանի հավելվածի 18-րդ կետի 2-րդ, 3-րդ և 4-րդ ենթակետերով նախատեսված հիմքերով և կարգով,

2.3.3. Չբոսաշրջային օպերատորից պահանջել ներկայացնել տեղեկատվություն՝ Հրամանի հավելվածի 10-րդ և 10.1-րդ կետերին համապատասխան,

2.3.4. ստեղծել միջգերատեսչական հանձնաժողովներ՝ Հրամանի հավելվածի 14-րդ կետով նախատեսված գնահատման աշխատանքներն իրականացնելու նպատակով,

### **2.4. Չբոսաշրջային օպերատորն իրավունք ունի՝**

2.4.1. պահանջել Լիազոր մարմնից պատշաճ ձևով կատարել Հրամանի և Պայմանագրի դրույթները,

2.4.2. դիմել Լիազոր մարմին հաշվառումից և Ցանկից դուրս գալու և Պայմանագիրը դադարեցնելու պահանջով,

2.4.3. պահանջել չխոչընդոտել իր բնականոն գործունեությունը միջգերատեսչական հանձնաժողովի կողմից գնահատման աշխատանքների իրականացման ընթացքում:

## **3. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ**

Պայմանագիրն ուժի մեջ է մտնում Կողմերի ստորագրման պահից և գործում է Հրամանի գործողության ընթացքում:

## **4. ՊԱՅՄԱՆԱԳՐԻ ՎԱՂԱՃԱՄԿԵՏ ԴԱՂԱՐՈՒՄԸ**

Պայմանագիրը համարվում է լուծված Հրամանի հավելվածի 18-րդ կետով նախատեսված դեպքերում Չբոսաշրջային օպերատորին հաշվառումից հանելու մասին ՀՀ Էկոնոմիկայի նախարարի հրամանն ուժի մեջ մտնելու պահից:

## **5. ՎԵՃԵՐԻ ԼՈՒԾՄԱՆ ԿԱՐԳԸ**

Պայմանագրի կապակցությամբ Կողմերի միջև ծագած վեճերը լուծվում են բանակցությունների միջոցով, իսկ հակառակ դեպքում՝ վեճերը լուծվում են Հայաստանի Հանրապետության օրենքով սահմանված կարգով:

## **6. ԱՆՀԱՂԹԱՀԱՐԵԼԻ ՈՒԺԻ ԱՁԴԵՑՈՒԹՅՈՒՆԸ (ՖՈՐՍ-ՄԱԺՈՐ)**

Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծել Պայմանագիրը՝ դրա մասին նախապես տեղյակ պահելով մյուս կողմին:

## 7. ԵԶՐԱՓՈՎԿԻՉ ԴՐՈՒՅՑՆԵՐ

7.1. Պայմանագրի շրջանակներում Կողմերն ընդունում են Հրամանի դրույթները և ղեկավարվում այդ դրույթներով՝ դրանց հետագա փոփոխություններով և լրացումներով:

7.2. Հրամանի հավելվածի 18-րդ կետի 2-րդ, 3-րդ և 4-րդ ենթակետերով նախատեսված հիմքերով հաշվառումից և Ցանկից երկու անգամ դուրս գալու դեպքում Ձբոսաշրջային օպերատորը չի կարող դիմել հաշվառման համար հաշվառումից և ցանկից երկրորդ անգամ դուրս գալուց հետո՝ մեկ տարվա ընթացքում:

7.3. Պայմանագիրը կազմված է հայերեն լեզվով, 2 (երկու) օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է Պայմանագրի մեկ օրինակ:

7.4. Պայմանագրով նախատեսված պարտավորությունների չկատարման հետ կապված, ինչպես նաև Պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### Լիազոր մարմին

ՀՀ Էկոնոմիկայի նախարարություն  
Հասցեն  
0010, ք. Երևան, Մ. Մկրտչյան 5  
Կենտրոնական գանձապետական  
գործառնական վարչություն  
h/h 900011010379  
ՀՎՀՀ 02505983

Նախարար՝

### Ձբոսաշրջային օպերատոր

Տնօրեն՝

(*ձևը խմբ. 21.08.15 N 1173-Ն, լրաց., փոփ., խմբ. 31.10.16 N 1158-Ն*)

(*հավելվածը լրաց., խմբ. 21.10.13 N 1025-Ն, խմբ., փոփ., լրաց. 21.08.15 N 1173-Ն, 31.10.16 N 1158-Ն, 12.07.21 N 436-Ն*)